



**Quæstionum Canonicarum, In Quinque Libros
Decretalium, Tomus ...**

In Librum I. Decretrialium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus I. Quid sit Electio Canonica?

[urn:nbn:de:hbz:466:1-73031](#)

electionem, & præsentationem. Nam si Capitulum v. g. jus præsentandi habeat, & capitulariter consentiat in præsentationem Titij, re integra, seu præsentatione nondum Superiori oblata, resilire potest, & alium præsentare: at verò electionis scrutinium, posteaquam in Capitulo publicatum est, revocari non potest. 3. electio intimanda est electo, antequam ad Superiorum deferatur; ut appareat, utrum consentire, an repudiare velit. Ad præsentationem autem, quippe quæ directè ad Superiorum dirigitur, nihil interest, utrum præsentatus ante consenserit: cùm per eiusmodi consensum nullum ipsi jus acquiratur, ut dictum est.

1812. Deducitur 3. electionem differre à collatione, seu libera provisione; quia per illam non acquiritur jus in re, & quasi dominium beneficij; sed tantum jus ad rem, postquam electio acceptata est: sed per collationem, seu provisionem acquiritur quasi dominium, & jus reale in beneficio, v.g. Episcopatu, sive à Pontifice, v. g. propter reservationem, aut propter devolutionem liberè alicui collatus fuerit. Hinc existit 1. si electus ante confirmationem moriatur, quod beneficium vacare censeatur per mortem non hujus, sed prioris Prælati. Existit 2. quod electus ante acceptam confirmationem beneficio, seu Prælaturæ liberè, non requisito Superioris consensu renuntiare possit. Sin autem beneficiatus, præsertim Ecclesiae Prælatus, habeat jus in re per collationem, aut quamcunque institutionem, renuntiare validè nō potest, nisi in manu Superioris, vel ordinarij collatoris. Existit 3. quod electus ante confirmationem beneficij administrare non debeat.

ARTICULUS I.

Quid sit Electio Canonica?

1813. **A**nte resolut. not. multos, & varios esse modos, quibus ad beneficij Ecclesiastici adiectionem pervenitur; nimirum electionem, confirmationem, postulationem, rehunctionem in favorem alterius, translationem, Papæ provisionem, nominationem, collationem, admissionem, institutionem, investitutam &c. nullum tamen horum aliquid operari, sine

canonica institutione, juxta reg. beneficium 1. de reg. juris in 6. Pro hujus regulæ intellectu not. 2. per canoniam institutionem hic non intelligi institutionem, tantum strictè sumptam, prout relatè dicitur ad præsentationem; sed quamvis provisio nem beneficij, adeoque etiam electionem, confirmationem, postulationem, admissionem, præsentationem, collationem, & similia; quæ, si secundum Canones, & more ab his probato, facta est, canonica dicitur. Hinc canonice institutus is dicitur, quijure provisus est. Quare, qui beneficium impetrat contra id, quod sacri canones prescrivent (nisi aliud habeat legitima consuetudo) non dicitur illud habere per canoniam institutionem. Beneficium potro esse impetratum sine canonica institutione, ex variis capitibus colligi potest. 1. si per simoniā quis ingressus est, c. ad decimas, le restit. spoliat. 2. si impetravit, dum esset excommunicatus, c. eum, qui, de prebend. in 6. 3. si sit intrusus, hoc est, si per vim occupavit beneficium, c. avaricie, de elect. in 6. 4. si institutus est à laico, carente ad hoc speciali privilegio. Nam potestas instituendi spiritualis, quæ laicis (seclusis speciali privilegijs) competere non potest &c.

Not. 3. quando dicitur, beneficium Ecclesiasticum sine canonica institutione non posse licet obtineri: institutionem, seu provisionem, sive per electionem, sive collationem, aut alio modo factam, triplici modo considerari, & canoniam dici. 1. largè, in qua non sunt servata substantia, & solennitates a jure positivo prescriptæ, sed solum ea, quæ jure naturali requiruntur, ut est consentus eorum, quorum interest; strictè, quando servantur illa, quæ sunt tam de substantia, quam de solennitate. Strictius denique, in qua omnia interveniunt, quæ sunt de substantia, & solennitate; quibus positis:

Quæstio est 1. an valeat impetratio beneficij facta cum canonica institutione strictius accepta? Resp. affirmative. Nam taliter institutus, quantum pertinet ad institutionem, est legitimè ingressus. Quod etiam dicendum venit (quantum ad valorem) de institutione canonica strictè sumpta; cùm, ut ponit casus, interveniant omnia, quæ sunt de substantia legitimæ institutionis etiam spectato jure sacro. Di-

1814

1815

xi,

xi, quoad valorem. Nam licet collatio beneficij v. g. seu institutio talis canonica, strictè sumpta, non sit *ipso jure nulla*; venit tamen annallanda, juxta c. *quod sicut de elec*t*.* ubi dicitur, electionem celebratam, sine his, qui ad electionem vocari poterant, & debebant, *infirmandam esse.* Denique si institutio canonica sumatur largè, non tenet provisio taliter facta, si quæ jure Ecclesiastico, tanquam substantialis forma, requisita prætermissa sint, ut constat ex tit. *de elec*t*.* & alijs passim.

1816. Quæstio est 2. an regula procedat solum in institutione canonica *specificè sumpta*? ante resolut. suppon. ex dict. n. 1809. *electionem esse optionem*, seu vocationem alicujus, rectè factam ab eo, ad quem pertinet, ad beneficium Ecclesiasticum; *confirmationem* autem, esse juris per electionem quæstis corroborativam declarationem; 2. per *postulationem* intelligi petitionem Capituli, vel Collegij, factam apud Antistitem de persona, quæ aliquo defectu canonico, & ab eo dispensabili impeditur, quod minus secundum juris communis dispositionem ad regendam, vel administrandam Ecclesiam assumatur: per *adminissionem* autem, dicti Antistitis consensum in impedimento, quo laborat, dispensativum; 3. *nominacionem* hic sumi pro determinatione, quæ Imperatori, Regi, Principi, aut alteri permittitur apud eos, penes quos est *electio*, vel alius modus providendi Ecclesiæ vacanti, de pluribus personis idoneis nominandis ad dignitatem, vel etiam Ecclesiam curatam vacantem; 4. *collationem* beneficij esse gratuitam beneficij vacantis assignationem, factam Clerico ab illo, qui jus habet illud gratuitò assignandi: *præsentationem* autem esse personæ alicujus Ecclesiastice, Episcopo, vel alteri, ad quem institutio pertinet, per Patronum legitimè factam exhibitionem, ut sic præsentato de tali beneficio vacante provideatur: 5. *institutionem*, non generaliter, sed *specificè sumptam* esse translationem juris *non libera*ram, à Superiori factam, in eum, qui per Patronum ad Ecclesiam vacantem præsentatus est; quo differt à *collatione*, quæ est translatio juris *libera*, nisi præcedat mandatum Papæ de alicui providendo. Institutio enim principaliter concernit personam præsentati, cui (si tanquam i-

donea probata sit) Superior negare non possit translationem juris; nihilque confert, nisi titulum, & jus in re, quibus positis:

Ad quæst. Resp. etsi aliqui velint, dictam regulam hic procedere solum *de institutione canonica, specificè sumptâ*: probabilius tamen esse, institutionem hic sumi generaliter, ut comprehendat & electionem, & postulationem, & collationem, aliosque modos canonice providendi Ecclesiæ vacanti. Nam & electus, & postulatus, & collatarius beneficium licet non obtinet, si ea, quæ sacri canones pro substantiali forma exigunt, in collatione, postulatione, vel electione observata non sint; cum sine his nulla fiat juris translatio in collatarium, postulatum, vel electum.

Ex dict. collig. 1. beneficium Ecclesiasticum non obtineri licet *per transactionem*, nisi in casibus jure permissis. Nam in transactione intervenit datio alicujus rei pro spirituali, quæ ob periculum simoniae in beneficijs, seclusa legitimi Superioris autoritate prohibetur c. *Si quando, 8. de offic. deleg. &c. constitutus, 4. de transact.* ibi: *quia igitur hujusmodi transactions* (nimur inter solos Clericos, sine Superioris autoritate, etiamsi juratae sint *speciem continent simonie*, &c. Amica tamen quædam, & æquabilis compo-sitio super expensis factis admittitur; ut, si concordia causâ, amicis fidem suam interponentibus, juris contentiosi examinationem, nulla interveniente datione, committant, & sic manus porrigan, c. *Super eo, 7. de transact.* ibi: *transacti super re sacra, & litigiosa non potest*; etenim res sacræ, ut possideantur aliquo dato, vel retento, seu promisso, *speciem credimus habere simonie.* Alias *se gratis, & amicabiliter inter se litigantes componant, sacris canonibus nequaquam dicimus obvia*re; sic Alexander III. loc. cit.

1819. Collig. 2. nec obtineri licet *per præscriptionem*; ita Peckius ad 1. reg. in 6. n. 18. causam reddens, quia, ut præscriptio legitima sit, bona fides, & justus titulus necessariò requiritur; qui autem contra canones ad beneficium pervenit, bonam fidem non habere præsumitur. Sed cum reverè contingat, quod in Prælato successore adsit bona fides, qua sibi citra ullum dubium persuadeat, beneficium à suo

suo Monasterio, vel Collegio legitimè habentus esse possellum, ea ratio in tali casu locum non habet. Cæterum, ut tenet glossa magna ad med. in c. *Contingit, de dolo, & gloss. in cit. reg. 1. V. beneficium,* iste casus specialis est, *in quo præscriptio non currit.* Unde, à principio canonicanam institutionem non habentes, beneficium Ecclesiasticum non præscribunt, quamvis cum titulo colorato, & bona fide possideant; sic Covarruvias *ad regnū Possessor, p. 2. §. 10. n. 9.* & alij, quos citat, & sequitur Barbosa h̄ic n. 6. Ratio est, quia ingressus in beneficium sine canonica institutione, *vitiōsus est* per dict. reg. 1. talis autem ingressus prohibetur in c. *unic. de eo, qui mittitur in possess.* in 6, deinde beneficia Ecclesiastica licet non obtineri sine canonica institutione, est *iuris publici;* iura vero publica non præscribuntur, *I. præscriptio, C. de operibus publ.* ibi: *juri publico non debet obſistere.*

1820.

Collig. 3. Clericum, liec̄ sit in quieta possessione sui beneficij, teneri ostendere *titulum possessoris*, si requiratur ab ordinario Superiore; sic Covarruvias *cit. n. 9;* Navarrus *de offic. ordin. consil. 4.* & quamvis per regulam *de triennali possessori excludatur* tertius ejusmodi Clericum inquietans in beneficio; non tamen excluditur ordinarius, ut notat Zerola *in praxi Episc.* p. 1. *V. Balle, V. ad quintum,* & alij; quibus præmissis, procedendo ad electionem canonicanam, seu strictè sumptam, quæ scilicet definitur personæ idoneæ ad Ecclesiæ vacantis Pastoralem dignitatem, seu Prælaturam; per eos, quibus jus eligendi competit, canonica vocatio, prout sumitur ex c. *cum in cunctis, & c. quia propter, h. t. junct. gloss. in c. unic. de postulat.* in 6. *V. vera postulatio;* per singulas partes *exponenda* venit.

1821.

Dicitur 1. *ad Ecclesiæ vacantis pastoralem dignitatem.* Nam electio strictè sumpta solum fit ad Ecclesiæ vel sacerdtales, vel Regulares *vacantes*, hoc est, viduatas pastore suo, qui tanquam caput, vel per modum capitis, seu Prælati cum jurisdictione ordinaria, seu generali præsit, & cui omnes, qui in eadem Ecclesia sunt, subjecti sint. Colligitur ex c. *quia propter, cit. ibi: Ecclesiæ viduatae provideant de Pastore,* V. Azor p. 2. l. 6. c. 14. q. 2. & 5. Observandum autem. 1. quod si electus

ante confirmationem moriatur, beneficium non vacet per illius, sed per obitum præcedentis possessoris; Streinius p. 1. tit. 5. §. 2. n. 2. deinde non censeri Ecclesiæ *vacare,* seu viduari per obitum inferiorum dignitatum, personatum, &c. quia habentes ista non sunt caput, seu Prælatus talis Ecclesiæ cum jurisdictione ordinaria, & generali; sic Pirhing *de elect. n. 1. §. dicitur primo.*

Dicitur 2. *electio, vocatio canonica,* seu solennis, in qua scilicet servatur forma eligendi à sacris canonibus præscripta, de qua dicam in seqq. advertendum autem, dici *vocationem* potius, quam *institutionem*, ut distinguatur à reliquis modis acquirendi tum inferiora beneficia, tum dignitates ac Prælaturas. Nam alijs modis, quam per electionem acquiri posse beneficia tam duplia, quam simplicia, constat ex dictis. Nec enim omnia sunt electi, sed multa collativa; collatio enim acceptata confert jus *in re ipsius beneficij collatione;* electio autem acceptata solum jus *ad rem, ante confirmationem;* Exitav. *ad regime, de præbend. inter comunes.* Secundo beneficia electiva non vacant ante confirmationem per obitum electi, noti confirmationi. Tertiò electus ante confirmationem potest liberè renuntiare beneficio, seu prælaturæ etiam sine consensu Superioris; & ante confirmationem non potest administrare; de quibus plura in sequentibus.

ARTICULUS II.

De his, qui habent potestatem eligendi.

Jus eligendi penes Collegium est, c. 1. *de elect. ubi dicitur, quod in Ecclesia, seu Congregatione Ecclesiastica Prælatus, per congregationem, seu Capitularium electionem præfici debeat;* si vero alter quis Ecclesiæ assedit, tanquam qui per cupiditatem, & contra canonice regulæ disciplinam ingressus, removendus fit, & si quis aliter, quam per canonican electionem ad Prælaturam assumatur, nimis ab his, qui jus eligendi non habent, nulla, & invalida sit promotio, & habeatur pro *intruso*, atque adeò debeat remoyeri; quia non per legitimam viam in Ecclesiæ est ingressus; si autem quæras, quid